



RESOLUCIÓN

ANTECEDENTES

EXPEDIENTE 2022/C004/000003 PRESTACIÓN DOS SERVIZOS DE PREVENCIÓN E EXTINCIÓN DE INCENDIOS FORESTAIS 2022

Incorporada ao expediente a seguinte documentación:

- Informe sobre a necesidade da contratación e xustificación da non división en lotes
- Prego de prescricións técnicas
- Prego tipo de cláusulas administrativas particulares que haberán de rexer para a contratación mediante procedemento aberto simplificado
- Informe de fiscalización da Secretaría-Intervención
- Certificado de existencia de crédito
- Informe-proposta de resolución da Secretaría-Intervención

CONSIDERACIÓNS TÉCNICAS XURÍDICAS E ECONÓMICAS

PRIMEIRA. Este contrato ten a consideración de contrato administrativo de servizos consonte ao disposto no artigo 14 da Lei 9/2017 do 8 de novembro, de contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP, en adiante).

SEGUNDA. No expediente consta, tal e como prevé o artigo 121 da LCSP, o prego de cláusulas administrativas particulares ao que se incorporan as prescricións técnicas esixidas pola lexislación especial reguladora da actividade obxecto do contrato.

TERCEIRA. No expediente xustifícase a necesidade e idoneidade do contrato (artigo 28 e 116.4.e LCSP), a clasificación esixida aos participantes (artigo 116.4.b LCSP), os criterios de solvencia económica (artigo 116.4.c LCSP), o valor estimado do contrato con indicación de todos os conceptos que o integran, a xustificación do prezo do contrato e o seu método de cálculo (artigo 112 LCSP), os criterios de adxudicación e a súa adecuación ao obxecto do contrato (artigo 145.1 LCSP), a non división en lotes (artigo 116.4.g), así como as fórmulas de valoración (artigo 146.2 LCSP).

CUARTA. A disposición adicional segunda da Lei 9/2017, do 8 de novembro, de contratos do Sector Público, atribúe ao alcalde as competencias como órgano de contratación en aqueles contratos nos que o valor estimado non superen o 10% dos recursos ordinarios do concello do orzamento nin, en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, eventuais prórrogas incluídas, sempre que o importe acumulado de todas as súas anualidades non supere a porcentaxe indicada, referida aos recursos ordinarios do orzamento do primeiro exercicio, nin a contía sinalada.

O órgano competente para aprobar o expediente é a Alcaldía xa que o importe do orzamento do contrato (importe sen prórrogas e máis IVE, como partida independente) non excede do 10% dos recursos ordinarios do orzamento (disposición adicional 2ª, 1 e 14 da LCSP, en relación co artigo 131 do Real Decreto 1098/2001, do 12 de outubro, polo que se aproba o Regulamento xeral da Lei de contratos das Administracións Públicas – RXLCAP, en adiante –, en relación co artigo 185 do Real Decreto Legislativo 2/2004, de 5 de marzo, polo que se

aproba o texto refundido da Lei reguladora das Facendas Locais).

Esta competencia da Alcaldía está delegada na Xunta de Goberno Local (Resolución da Alcaldía 208/2019 do 3 de outubro publicada no BOP nº 192 do 9 de outubro de 2019)

Non estando fixada sesión da Xunta de Goberno Local nos próximos días e a efectos de continuar o expediente de contratación, considérase necesario proceder a avocación da competencia como órgano de contratación delegada na Xunta de Goberno Local a favor da Alcaldía.

RESOLUCIÓN

PRIMERO. Avocar con efectos do día da sinatura deste decreto a competencia delegada na Xunta de Goberno Local por Resolución da Alcaldía 208/2019 do 3 de outubro, polo que se delegan competencias da Alcaldía na Xunta de Goberno Local (BOP núm. 192 do 9 de outubro de 2019) como órgano de contratación para a tramitación do expediente de contratación **EXPEDIENTE 2022/C004/000003 PRESTACIÓN DOS SERVIZOS DE PREVENCIÓN E EXTINCIÓN DE INCENDIOS FORESTAIS 2022**

SEGUNDO. Aprobar o expediente de contratación a través de procedemento aberto simplificado e tramitación ordinaria: **EXPEDIENTE 2022/C004/000003 PRESTACIÓN DOS SERVIZOS DE PREVENCIÓN E EXTINCIÓN DE INCENDIOS FORESTAIS 2022**, cun orzamento base de licitación de 45.980,00 € (21 % de IVE incluído)

TERCEIRO. Aprobar os pregos de cláusulas administrativas particulares (PCAP) e os seus anexos que rexerán na licitación con CVD: Dm/nEI5YbohWR3F0kE9w así como o prego de prescricións técnicas con CVD CVD: 0VmGX4nfdAc2cv3scLAj)

CUARTO. Aprobar o gasto polo importe de CUARENTA E CINCO MIL NOVECENTOS OITA EUROS EUROS (45.980,00 €) con cargo á aplicación orzamentaria 170.227.99 do vixente orzamento municipal (2022)

QUINTO. Dispoñer a apertura do procedemento aberto simplificado previsto no artigo 159 da Lei 9/2027 do 8 de novembro, de contratos do Sector Público, con pluralidade de criterios de adxudicación, con aplicación de xuízos de valor e criterios de apreciación automática, procedéndose a anunciar a licitación no perfil do contratante do órgano de contratación, para que os interesados podan achegar as proposicións que consideren pertinentes durante o prazo de 10 días dende a dita publicación.

SEXTO. Publicar o presente acordo no perfil do contratante de acordo co disposto no artigo 117 da Lei 9/2017 do 8 de novembro, de contratos do Sector Público.

SÉTIMO. Darlle conta ao Pleno deste acordo na primeira sesión ordinaria que teña lugar.

Boqueixón, na data da sinatura dixital

Manuel Fernández Munín, alcalde-presidente

Dalmiro Núñez Méndez, secretario-interventor



Forte s/n
15881 BOQUEIXÓN (A Coruña)
Telfs: 981 513 061 – 981 513 052
Fax: 981 513 000
correo@boqueixon.es
www.boqueixon.es

exp. 2022/C004/000003

FIRMADO POR Manuel Fernández Munín (FECHA: 28/06/2022 15:10:00)

Dalmiro Núñez Méndez

(FECHA: 28/06/2022 15:06:00)

Decreto Nº: 368/2022 - Fecha de decreto: 28/06/2022

Versión imprimible

CVD: m00E8yqjxbC5B+Jh23zz
Verificable en la Sede Electrónica del Organismo.